



# Պարույր Սևակ

## հեքիաթը

Իմ լուսեղենի՛կ, իմ աննմա՛ն,  
Իմ ապագա՛, գալի՛ք...  
Ի՞նչ ես անում արդյոք հիմա,  
Իմ հեռավո՛ր բալիկ:  
Բարձիդ տա՛կ ես թևդ կոխում  
Ու խորամանկ ժպտում,  
Թե՛ վեր կենում ու կիսամերկ  
Մահճակալում պտտում:  
Թե՛ մայրիկիդ հյուսքը բռնած  
Քրքրջում ես անմեղ,  
Թե՛ «կարդում ես» քո չընթրնած  
Գրքույկները գունեղ:  
Թե՛ երգում ես, արտասանում  
«Բանակային եմ քաջ»...  
Բանակային ե՛ս եմ, բալիկ,  
Մա՛յրդ, պա՛պրդ անգամ:  
Բանակայի՛ն, որ մոտ չգա  
Ոչ մի գայլ ու գագան,  
Ոչ թե, բալիկ, քո իմացած  
Հեքիաթներից դաժան,  
Ո՛չ աշխարհից քո իմացած

Մն ու ճերմակ դևի:  
Կա մի ուրի՛շ դև ու աշխարհ՝  
Անբողջովին դեղի՛ն:  
Դու չգիտես դեղին դևին՝  
Գայլի ախորժակով:  
Ապրում է նա մեզնից հեռու,  
Օվկիանոսից այն կողմ...  
Քեզ այդ մասին կպատմեն ես  
Հետո՛, հիմա քնի՛ր:  
Այնժամ գուցե դա իսկապես  
Հեքիաթի պես լինի...

29.II.1952թ.

Մոսկվա